



GARIS PANDUAN SKIM INSENTIF PEMBANGUNAN KAPASITI PEMROSESAN PATI MINYAK GAHARU

Disediakan oleh:

**Bahagian Pembangunan Industri
LEMBAGA PERINDUSTRIAN KAYU MALAYSIA**

Garis panduan ini berkuat kuasa mulai 20 April 2026

GARIS PANDUAN SKIM INSENTIF PEMBANGUNAN KAPASITI PEMROSESAN PATI MINYAK GAHARU

1. TUJUAN

- 1.1 Garis Panduan ini disediakan bertujuan untuk memberi panduan dan penjelasan mengenai mekanisma pelaksanaan Skim Insentif Pembangunan Kapasiti Pemprosesan Pati Minyak Gaharu yang dilaksanakan di bawah Program Pembangunan Usahawan Industri Gaharu.
- 1.2 Kaedah-kaedah dalam garis panduan ini telah ditetapkan oleh Lembaga Perindustrian Kayu Malaysia dan hendaklah digunapakai dalam pelaksanaan Program Pembangunan Usahawan Industri Gaharu sahaja.

2. LATAR BELAKANG

- 2.1 Industri gaharu merupakan salah satu bidang ekonomi baharu yang berpotensi dalam menyumbang kepada peningkatan pendapatan negara. Kerajaan melalui MTIB sedang berusaha untuk membangunkan lagi industri gaharu negara dan turut membantu pekebun kecil.
- 2.2 Selaras dengan itu, MTIB telah memperkenalkan Skim Insentif Pembangunan Kapasiti Pemprosesan Pati Minyak Gaharu. Ianya bertujuan untuk meningkatkan keupayaan, produktiviti, kesejahteraan dan kelestarian sektor industri gaharu serta membantu meningkatkan pendapatan pekebun persendirian melalui hasil pokok Karas yang telah diinokulasi.
- 2.3 MTIB menyediakan insentif sebagai mekanisma sokongan kepada usahawan dan pekebun gaharu bagi membantu mengurangkan beban kos dan meningkatkan hasil supaya usaha penanaman dan perusahaan industri gaharu dapat berkembang secara mampan.

3. MEKANISMA PELAKSANAAN SKIM INSENTIF

- 3.1 Pemberian insentif ini dipertimbangkan kepada usahawan industri gaharu sedia ada untuk menaik taraf keupayaan kapasiti pemprosesan pati minyak gaharu daripada sumber tanaman. Had nilai pembiayaan maksimum sehingga RM50,000 bagi setiap permohonan.
- 3.2 Bantuan insentif ini merangkumi pembiayaan kos pembangunan sistem penyulingan bagi pemprosesan pati minyak gaharu.
- 3.3 MTIB berhak meminda mana-mana syarat dan kriteria dalam garis panduan ini mengikut keperluan dari semasa ke semasa.

4. PROSEDUR PERMOHONAN

- 4.1 Kriteria permohonan seperti di Jadual 1.

Jadual 1. Kriteria permohonan

Bil.	Butiran	Kriteria
1.	Pemohon	Syarikat/koperasi yang mengusaha hasil pati minyak gaharu dan telah beroperasi melebihi 6 bulan daripada tarikh permohonan
2.	Syarikat atau pengarah syarikat	Syarikat tidak berstatus penggulangan atau bankrap
3.	Rekod kewangan syarikat	Syarikat/koperasi hendaklah mempunyai rekod kewangan yang baik

4.2 **Syarat-syarat Permohonan**

4.2.1 **Pemohon hendaklah:**

- i. Berdaftar dengan MTIB atau Pihak Berkuasa Pengurusan (*Management Authority*-MA) sebagai Pedagang dan masih sah;
- ii. Merupakan sebuah syarikat yang diperbadankan di Malaysia di bawah Akta syarikat 2016 [Akta 777) atau syarikat perniagaan di bawah Akta Pendaftaran Perniagaan 1965 [Akta 197];
- iii. Beroperasi secara sah dengan memiliki lesen perniagaan daripada Pihak Berkuasa Tempatan (PBT)(lokasi penempatan memproses pati minyak gaharu);
- iv. Sedang beroperasi dalam bidang industri gaharu dan telah beroperasi melebihi 6 bulan daripada tarikh permohonan;
- v. Tiada sebarang tunggakan hutang denan MTIB;
- vi. Bersetuju untuk melaksanakan pembelian gaharu daripada pekebun Karas yang telah menerima insentif inokulasi daripada MTIB; dan
- vii. Syarikat pembekal yang dipilih mestilah syarikat tempatan dan berdaftar dengan SSM.

4.3 **Dokumen permohonan**

4.3.1 Pemohon perlu memajukan dokumen – dokumen berikut:-

- i. Borang permohonan yang lengkap;
Borang permohonan boleh diperolehi daripada:-
 - a) Laman sesawang MTIB di <https://www.mtib.gov.my>
 - b) Bahagian Pembangunan Industri, Ibu Pejabat MTIB;
 - c) Edaran semasa taklimat program; atau

d) Pejabat MTIB Wilayah / Negeri

NOTA. Pemohon / Syarikat Pembekal adalah dilarang daripada menyiarkan Borang Permohonan dalam sebarang media cetak atau elektronik tanpa mendapat kelulusan bertulis daripada MTIB

- ii. Salinan Sijil Pendaftaran sebagai Pedagang daripada MTIB yang masih sah.
- iii. Salinan Perakuan Pendaftaran Perniagaan di bawah Akta Pendaftaran Perniagaan 1956 (Pindaan 2001 atau Salinan Borang 9, Borang 24, dan Borang 49 di bawah Akta Syarikat 1965) yang dikeluarkan oleh Suruhanjaya Syarikat Malaysia (SSM). Pemohon juga boleh memajukan carian lengkap profil syarikat (terkini) daripada sistem SSM e-info;
- iv. Salinan kad pengenalan semua pemegang saham dan pengarah syarikat bagi syarikat Sdn Bhd./ pemilik perniagaan dan rakan kongsi bagi syarikat enterprise;
- v. Salinan lesen perniagaan daripada PBT yang masih sah berkuat kuasa (mengikut lokasi penempatan pemprosesan pati minyak gaharu yang dimohon);
- vi. Salinan penyata bank syarikat bagi tiga bulan terkini – penyata ini perlu disahkan oleh pegawai bank dihelaian muka surat baki setiap bulan;
- vii. Salinan carian e-insolvensi status penggulungan syarikat terkini daripada Jabatan Insolvensi Malaysia;
- viii. Salinan carian e-insolvensi status kebangkrapan semua pengarah/pemilih syarikat terkini daripada Jabatan Insolvensi Malaysia;

- ix. Pelan perniagaan syarikat bagi tempoh tiga (3) tahun;
- x. Maklumat atau profile syarikat yang memohon;
- xi. Dokumen tawaran harga daripada syarikat pembekal; dan
- xii. Sebarang dokumen tambahan berkaitan jika diperlukan.

4.3.2 Borang permohonan yang telah lengkap bersama dokumen-dokumen lain hendaklah dikemukakan kepada MTIB ke alamat berikut:

Ketua Pengarah
Lembaga Perindustrian Kayu Malaysia (MTIB)
Tingkat 13-17, Menara PGRM
No.8, Jalan Pudu Ulu, Cheras
56100 Kuala Lumpur
u.p.: Pengarah Bahagian Pembangunan Industri

Atau melalui email kepada:

- i. Pn Nor Shahira Mat Nasir
E-mel: shahira@mtib.gov.my, Tel: 03-92822235 ext.1354
- ii. En Muhd Muzakir Kamaruzaman
E-mel: muzakir@mtib.gov.my, Tel: 03-92822235 ext.1353

4.4 **Kelulusan Permohonan**

4.4.1 Permohonan yang diterima akan disemak, diteliti, disyor dan dipertimbangkan bagi tujuan kelulusan melalui jawatankuasa yang berkaitan. MTIB juga akan menjalankan lawatan pemeriksaan tapak sebelum dan selepas kelulusan bagi tujuan pembiayaan.

- 4.4.2 MTIB akan mengemukakan Surat Setuju Terima kepada pemohon yang berjaya. Sebarang keputusan yang dibuat oleh MTIB adalah **MUKTAMAD**.
- 4.4.3 Pemohon yang berjaya akan menandatangani Surat Setuju Terima (SST) tawaran insentif dalam tempoh 14 hari daripada tarikh surat dan proses perolehan hendaklah dilaksanakan oleh pemohon yang berjaya dalam tempoh ENAM (6) bulan daripada tarikh Surat Setuju Terima atau apa-apa tempoh lain yang ditetapkan oleh MTIB.
- 4.4.4 **Fi pengurusan** sebanyak **RM500** akan dikenakan kepada permohonan yang telah diluluskan dan tidak akan dipulangkan sekiranya pemohon menarik diri atau gagal mematuhi syarat pembiayaan yang telah ditetapkan. Fi pengurusan ini juga adalah sebagai komitmen peserta dalam menyertai program ini.
- 4.4.5 Kelulusan permohonan ini akan terbatal dengan sendirinya jika perenggan **4.3.4** di atas tidak dipatuhi oleh pemohon dan permohonan baharu perlu dikemukakan semula.
- 4.4.6 MTIB berhak untuk menarik balik/membatalkan permohonan pemohon sekiranya didapati pemohon memberikan maklumat palsu dan meragukan serta mempunyai kepentingan dengan pihak syarikat pembekal.

5. KAEDAH PEMBIAYAAN INSENTIF

- 5.1 Pemohon hanya dibenarkan untuk membuat **SATU (1)** permohonan sahaja sepanjang program ini.
- 5.2 Sebarang penukaran pembekal selepas permohonan diluluskan adalah tidak dibenarkan dan pemohon perlu membuat permohonan baharu.

5.3 Kaedah pembiayaan skim insentif di bawah program ini adalah melalui kaedah bayaran balik (*reimbursement*) atau kaedah bayaran terus kepada syarikat pembekal. Pemohon yang berjaya hendaklah memilih salah satu daripada dua (2) kaedah bayaran berikut:

5.3.1 Kaedah **Bayaran Balik** atau '**Reimbursement**'

- a. Peserta hendaklah melaksanakan proses perolehan bagi sistem penyulingan pati minyak gaharu dalam tempoh enam (6) bulan daripada tarikh pengakuan penerimaan SST mengikut terma dan syarat yang ditetapkan. Peserta telah membuat pembayaran sepenuhnya kepada syarikat pembekal sebelum membuat tuntutan bayaran kepada MTIB.
- b. Bukti pembayaran kepada pembekal hendaklah dilampirkan bersama salinan asal penghantaran pesanan (*delivery order*), invois (*invoice*) dan resit pembayaran yang telah disahkan oleh pemohon.

atau;

5.3.2 Kaedah **bayaran terus kepada syarikat pembekal**

- a. Peserta hendaklah melaksanakan proses perolehan bagi pemasangan sistem penyulingan pati minyak gaharu dalam tempoh enam (6) bulan daripada tarikh pengakuan penerimaan SST mengikut terma dan syarat yang ditetapkan.
- b. Peserta hendaklah membuat bayaran bagi perbezaan kos antara sebut harga dan kelulusan MTIB sebelum sebarang proses perolehan dan pemasangan dilaksanakan oleh pembekal.
- c. Peserta memastikan salinan asal penghantaran pesanan (*delivery order*) dan invois (*invoice*) daripada syarikat pembekal dikemukakan kepada MTIB bagi tuntutan bayaran kepada pembekal. Bayaran akan dibuat setelah kerja-kerja pemasangan, penghantaran dan uji lari selesai dilaksanakan.

- d. Bayaran akan dibuat oleh MTIB kepada syarikat pembekal setelah selesai pemasangan dan penghantaran dan peserta/pembekal mengemukakan dokumen di perkara (c) untuk proses bayaran. Peserta hendaklah memastikan uji lari peralatan dan sistem penyulingan dilaksanakan oleh pihak pembekal.

5.4 MTIB akan melaksanakan pembayaran mengikut nilai pembiayaan yang diluluskan selepas kesemua terma dan syarat dipatuhi serta semakan dilapangan telah dibuat oleh MTIB.

5.5 MTIB berhak melakukan pemeriksaan pada **bila – bila masa** di lokasi tapak pembiayaan.

5.6 Pemohon hendaklah memastikan semua pembelian dan pembayaran dibuat atas nama syarikat pembekal yang telah **DILULUSKAN**. Sebarang pertukaran pembekal atau jenis sistem penyulingan hendaklah mendapatkan kelulusan daripada MTIB terlebih dahulu sebelum perolehan dilaksanakan.

6. PEGAWAI UNTUK DIHUBUNGI

Sebarang pertanyaan lanjut, boleh hubungi pegawai Bahagian Pembangunan Industri berikut:

- i. Puan Nor Shahira Mat Nasir
E-mel: shahira@mtib.gov.my, Tel: 03-92822235 ext.1354
H/P: 012-2614282
- ii. Encik Muhd Muzakkir Kamaruzaman
E-mel: muzakkir@mtib.gov.my, Tel: 03-92822235 ext.1353
H/P: 017-3599277
- iii. Encik Muhamad Basri Md Daud
E-mel: muhamadbасri@mtib.gov.my, Tel: 03-92822235 ext.1407
H/P: 017-9667894

Disediakan oleh:

Bahagian Pembangunan Industri

Tarikh kelulusan garis panduan: 20 April 2026